



去偽齋集卷二

寧陵呂 坤叔簡甫著

奏疏

宗藩二要疏

爲摘舉宗藩二要以重天潢事臣聞帝王同民心而出治道凡四海九州之情無所不體而尤當體宗室之情帝王興教化以善風俗凡四海九州之教無所不及而尤當重宗室之教乃今積習流弊勢極則窮有不得不變者二事焉臣請分款詳陳伏乞勅下該部查訪施行宗室幸甚世去偽齋集

卷二 奏疏

一

道幸甚

計開

一曰嚴騙嚇之禁夫宗室僞濫全在報生之時或以妾爲嫡生或以女而易子或以殤而冒存買囑收婆要結隣右往實有之自五宗嚴同保之結而矇隴有連坐之法報生來歷大都已眞生旣眞矣豈有兒眞而請名僞者乎豈有名眞而請封僞者乎自奉宗藩要例之後名封查駁久已從寬而臣又立限單填格之法凡經查駁衙門過三日者提吏卽臣衙門亦有需索常例臣嚴行禁約犯者重懲在



外刁難諸弊亦稍稍革矣惟是走京遊棍指稱打點名色  
要索宗室錢財甚者定爲銀數沿爲舊規如郡王請名請  
封動以千計三將軍以五百計三中尉以三百計天宗室  
本不出戶庭之人而遊棍者積年鬼蜮之雄也財貨誣收  
未必爲人出力驅嚇不遂卻能倚法爲奸幾曾見京師某  
衙門聽囑某吏胥受財邪憑誰說耳寧化王新薨臣往弔  
奠王六子長者二十歲矣尙未有名向臣仰天痛哭曰請  
名十五年費銀千餘兩部文未到猶然乳名特在大各府  
宗室百十餘人皆稱本王有子六人五孺孺死出閣錄  
去偽齋集

卷二 奏疏

軍民無不共知止以寫辦之人差錯入府尋已又遊棍恐  
嚇稱說立案不行以此耽延歲月六子俱未得名嗟夫父  
爲王母爲妃其子請名十五年不得臣竊痛之此等奸徒  
外指王府科以騙宗人內空囑吏胥以撞太歲有題非止  
一人而勘合私添三兩人者宗室謂得名矣及至請封則  
曰堂稿無名有同胞之兒已給誥命矣其弟請封則曰母  
封不對經管教授旣非明白之官造冊書供率多苟且之  
役宗室名字又皆難辨之文愚宗不識事體貧宗又無錢  
財衙門猾胥往往舞文詐錯致使查駁弊孔多端本難悉

舉行查之例豈可不嚴臣以爲一切名封既經親王與臣  
衙門會題矣如有假濫罪坐親王與臣春季行查夏季尙  
不吝覆罪亦坐臣若春季無礙宗室若干位應得召封而  
夏季勘合不到夏季行查咨部若干位應得題覆而秋季  
勘合不到者許臣每季咨催應請名封宗室但有仍憑遊  
棍指稱打羅運錢到京自行花費誣騙吏書者許五城嚴  
拏除本犯依律究處外本案既已託人行賄必有違礙情  
由不在名封之內臣等查得宗室第一格填云某郡王  
臣衙門會題矣如有假濫罪坐親王與臣春季行查夏季尙  
不吝覆罪亦坐臣若春季無礙宗室若干位應得召封而  
夏季勘合不到夏季行查咨部若干位應得題覆而秋季  
勘合不到者許臣每季咨催應請名封宗室但有仍憑遊  
棍指稱打羅運錢到京自行花費誣騙吏書者許五城嚴  
拏除本犯依律究處外本案既已託人行賄必有違礙情  
由不在名封之內臣等查得宗室第一格填云某郡王

去偽齋集

卷之三

三

某如某書... 某如某書... 某如某書... 某如某書... 某如某書...  
人五宗某人某... 人五宗某人某... 人五宗某人某... 人五宗某人某... 人五宗某人某...  
知府印押第三... 知府印押第三... 知府印押第三... 知府印押第三... 知府印押第三...  
格都察院... 格都察院... 格都察院... 格都察院... 格都察院...  
請名請封... 請名請封... 請名請封... 請名請封... 請名請封...  
釘爲一册... 釘爲一册... 釘爲一册... 釘爲一册... 釘爲一册...  
即同... 即同... 即同... 即同... 即同...  
與管理... 與管理... 與管理... 與管理... 與管理...

嚴可... 嚴可... 嚴可... 嚴可... 嚴可...  
嚴可... 嚴可... 嚴可... 嚴可... 嚴可...  
嚴可... 嚴可... 嚴可... 嚴可... 嚴可...  
嚴可... 嚴可... 嚴可... 嚴可... 嚴可...  
嚴可... 嚴可... 嚴可... 嚴可... 嚴可...

聖裁

二曰重輔導之臣臣聞漸摩之久習與性成世祿之家鮮克由禮今民間子弟齟齬童蒙未嘗不擇良師而况帝王之苗裔貴倨之氣習苟無禮義以養其心又難束縛以麗於法肆無所忌民何以堪夫董賈漢世名儒皆爲王相我朝家法遠過漢時而輔導之選甚爲疏濶何者親王長史主一藩之外政者也王之善惡付託此官諸郡王三將軍三中尉二主三君之名封婚祿憑結此官審理掌一藩之刑名者也六所軍民詞訟聽決於此官教授以訓迪王與去偽齋集

卷二

奏疏

四

一府之名封取定於此官其責任不爲輕矣乃以有司之不肖者充之夫表敬則影斜鐫差則字譌豈有不肖者爲王官而能以善道教王者乎臣昨考察王官僅有長史李賦直年力正強慷慨曉大義其餘苟且恣睢甘心自棄之念甚於爲有司時而偃蹇龍鍾率居其半相沿推陞王官號爲劣處每用操持有玷才幹無爲之人以充是任不知起自何年至今遂爲定例臣從來竊所不平而目覩尤爲慨歎或曰選司不主降黜不肖者何以處之臣竊謂即使若曹萬無所付亦不以王府爲溝壑况撫按論劾方面有

司疏下考功未嘗不隨時降黜卽文選不降黜而考功不能降黜乎撫按於州縣佐領教官未嘗不隨時拏問罷斥不待參劾豈以吏部之權而不能處若曹乎劣考到部文選抄付考功案呈具題才幹無爲者量行降調操持有玷者卽與除名至於雜職卑官無可降調畱之無所用去之不足恤者量與致仕庶懲創嚴而居官知慎不肖去而仕路亦清吏部可省大察疏摺之多而本官亦免到任卽黜之苦矣或曰王可無官乎王官可以賢者處乎臣竊謂不肖處以王官王官不陞有司此二者曾有題請事例乎夫去偽齋集

卷二

奏疏

五

官以上各官俱與有司一例考察薦獎戒劾至於郡府宗室各有多寡如河中王府世世一人並無宗室教授雖設無所事事慶成王府宗室二千餘位教授常例歲得寸金繁簡不同似難槩選今後除授王官先將各府宗室多寡管理易難行布政司造冊報部斟酌年力才幹分別選陞如此則王官既重而宗教自嚴仕禁既開而人心日奮矣伏乞聖裁

爲貧宗請給衣糧疏

爲貧宗失所郡祿有餘懇乞天恩量給米食以廣親睦事  
去偽齋集

卷二

奏疏

六

臣聞帝王之推恩海內也必以親親矣近年以來天家子孫真是千億有限錢糧不足以供皇上雖有親親之心又憫元元之命加賦不能竟成無策臣愚亦不能爲陛下策也臣自到任以來每見晉藩十三郡府無祿貧宗強者公行攘奪姦者暗爲局騙有恥者空乏其身無賴者流落於市臣竊憐之又每聚三五百人向臣求餬口之粟臣行山西布政司轉行太原府收糧同知武揚查得晉十三王府每年額派祿銀一十三萬五百餘兩徵解不完大約每歲大盈倉所收實在不下九萬餘兩十三王府宗儀庶宗及

內助並故宗所遺夫淑恭宜安人等共支八萬二千五百餘兩每歲實剩銀七千餘兩數年所積見在支剩王糧銀六萬五千一百餘兩夫絳霍各州靈邱等王有欠四十餘季不得關支者蓋原分州縣本自貧疲有祿宗儀尙且枵腹臣每將管糧官住俸至今催促不多雖欲推恩貧宗勢自無處蓋分封異郡不得以此之有餘補彼之不足若宗枝同城又何忍庫餘無用之祿糧府有無食之宗室哉及查朱軟哥等或以擅婚濫妾之子不敢請名者或以幼而無父不能請名者或已請名而家貧不能請封者情節不

去偽齋集

卷二 奏疏

七

同均無過犯又查犯宗朱老三朱社兒等或以毆死平人或以竊劫被獲發之閒宅月有口糧歲有花布每月每月口計支銀一兩四錢有餘是以無祿貧宗甘心犯法嘗自言曰犯法者有食有衣安分者忍凍忍饑情願打死人命送入閒宅食糧使不一爲區處何以藉其自愛之資息其苟得之念哉至於無祿宗婦有幼年喪夫而守節者有老年無子身無所付者有應請口糧而力不能者顛連之狀尤不忍言民間鰥寡孤獨尙收之養濟院豈有爲婦宗門而求食民舍者乎臣請將有名無封者新溼等無名者朱軟



哥等共五百四十二位無祿寡婦於氏等三十三口將十三府所餘祿銀每月每名口各給糧一石比照庶宗口糧事例每石折銀七錢按月支給號曰米食有妻者以夫婦身終而止無夫者以本婦身終而止後有貧宗子孫不妨再爲題請不得踰於今數以滋難繼之憂其無祿而身家稍能自存者不得濫爲陳乞以奪貧宗之藉儻有不自顧惜犯於有司者革其米食以示創懲如此庶使有米貧宗雖欲爲惡自知顧惜以保終身之計無祿府分雖有貧宗自難借口以希望外之恩似於情法兩無違礙相應題請去偽齋集

卷二

奏疏

八

伏乞勅下該部再加查議覆請施行

正名分以成和衷之治疏

爲正名分以成和衷之治事臣聞名器者維世之權朝廷者紀法之主皇上以黃紙墨書下四方親王以下莫不朝服迎拜儼若天顏豈重片紙哉尊君命也今以某人爲某官奉有明旨獨非君命乎大同府同知管嵐縣事郟泚初知清源本爲太原府屬官今管嵐縣又爲太原府屬邑命下之日太原府知府何出光與通判推官俱待以同僚之禮曰朝廷命爲同知卽是同知豈有知府而不與同知稱

僚友乎獨西路同知張嘉績謂嵐縣屬府欲以屬禮相責過於裁抑邵同知每不能堪卽求休致夫國家之制衙門與官原是兩項假如府官考滿給山公文云某府爲給由事准知府某人關是府爲府官爲官也然則嵐縣之屬太原府是矣謂同知而屬同知可乎嵐縣又屬岢嵐州去年岢嵐知州張鑑將到任時見臣臣與定爲儀註大約謂嵐爲岢嵐屬縣而府同知非知州屬官今約兩官平處文移往來則州仰嵐縣而不言官吏嵐縣申州而不具銜名彼此相見迭爲賓主如有爭禮成嫌一體參究今張同知之去偽齋集

卷二

秦疏

九

待邵同知如此則不知同知爲朝廷所命之官而但知嵐縣爲太原所屬之邑矣往年臣在山東霑化縣濟南府屬邑也趙蛟以濟南府通判管霑化事各州縣官考察到省趙蛟獨立各州縣之下又隨各州縣官跪本府堂彼吏員也安然自卑各官亦以吏員卑之臣獨不平謂府官曰通判跪於府堂立於知縣之下此出何典是卑君命而妄自尊也設朝賀於殿廷論爵乎論衙門乎臣令趙蛟除文移外見府官待以同僚之禮趙蛟與各州縣相見亦自處於同僚之禮今以府官管縣事責行屬禮若以府官署縣事

亦行屬禮乎宋韓琦以使相判四州王安石以使相判江  
寧不知亦以判禮待之否也由此各官遂定夫官與地宜  
加銜久任祖宗之良法也人以傲爭互成嫌隙庸眾之常  
態也張同知才守俱優軍民胥戴偏關賴爲長城邵同知  
廉正無私剛方有執臣嘗比爲鐵漢此兩賢也不宜以小  
節罪之但臣疏謫顛蒙不識大體而海內加銜管事不止  
一人若不取裁於聖明終是齟齬於郡邑相讎互詆以私  
壞公甚非地方之福伏乞勅下禮部定爲成規通行天下  
有不遵行者撫按官指實論劾庶事體定而彼此相安廉  
去偽齋集

卷二 奏疏

十

疑釋而排擠無患矣

救張應望疏

爲賊犯未明天威過重懇乞嚴究罪狀明正法律以服公  
論事臣於二月十三日題爲儒臣極冤未雪邪官毒酷愈  
熾萬死投天懇乞早賜伸理以洩幽憤以申明法事審得  
張應望受贓不服乞提過贓之人當面對質奉聖旨張應  
望致死儒臣一家二命又相認多贓如何輒容他展辯推  
委支吾好生徇私賣法姑且不究張應望嚴追贓完日姑  
發烟瘴地面永遠充軍欽此臣等仰見皇上優厚儒士重

懲貪吏至意竊以爲律例者祖宗之法而刑曹者奉法之吏也查得大明例一款凡因事用強毆打威逼人致死果有致命重傷及成殘廢篤疾者雖有自盡實迹發邊衛充軍此威逼之狀也又一款凡因事威逼人致死一家二命者發邊衛充軍又大明律一款凡因事威逼人致死者杖一百若官吏非因公務而威逼平民致死者罪同此威逼之法也范祭酒奉旨聽勘官張應望奉批承問官也本因公務當時應望拘攝牌票並無范祭酒之名監禁刑責不及范汝訥之身父子相繼自盡屢審不係官逼臣等不徑去僞齋集

卷二

奏疏

十一

坐應望致死二命法也非徇情也又查得條例一款文職官吏受財枉法至滿貫絞罪者發附近衛所充軍又一款凡法司一應奏送人犯如有冤枉者卽與辯理具奏發落若明知冤枉不與辯理者以故入人罪論先是錦衣衛打審應望參送法司也抄中有云奏內贓私情尙展轉蓋因過付人等未經面質合行撫按衙門詳審具奏是該衛不敢執其受贓也應望自奏云鄉官讎深自盡縣吏解紛受誣願與過贓之吏沈敬溪施守仁面質奉聖旨法司知道是皇上固已允其辯理也臣等在部凡十三司鞫問招詞

每日送堂親審卽笞杖等罪恐其有冤也須憑證佐當面指實犯人甘心輸服而後加罪又不敢自信其無冤也仍將一干原被證佐解送大理寺評允而後發落輕小事情尙極詳慎豈敢以詔獄之重無證之賊犯官籲天叩地若不招承問官逼令誣服而不准其對質乎臣等不徑坐應望受賊發遣者法也非徇情也蓋犯人聽鞫雖係真情有指則便輸服無證則多展轉臣等不敢謂應望未嘗受賊但不質證明白致伊借口稱冤是廟堂受誣枉之名而應望逃貪污之實不惟無以服應望之心亦無以塞天下之

去偽齋集

卷二

奏疏

七

口矣據律受賊官吏審已得情止發附近衛所充軍終身臣等素性疾貪嘗謂法不盡罪伏望皇上仍將應望發回浙江就近對質或提解沈敬溪等到京與應望對質如果受賊有指眾證無冤臣以爲奉旨聽訟受賊與常犯不同因賊逼死儒臣與常人不同卽杖斃於廷行刑於市以懲天下貪暴之官以快天下縉紳之憤法雖已甚事極光明若以未白之情加過重之罪久禁嚴追遠發永戍萬一有冤無乃傷皇上明慎矜恤之意乎臣等職掌所關理難緘默干冒宸嚴無任隕越待罪之至

辯洪主事參疏公本

爲部臣持法司官畏罪直陳情事始末以光聖德以雪民  
冤事臣等於本月十三日接得本部江西司主事洪其道  
揭帖爲勲戚贓罪應議堂司意見各殊難以招擬相應題  
請謹詳事之始末論之同異以候聖明裁定事臣等見之  
不勝歎息以爲皇上下法可以從公刑曹在真情而亂法  
此公論所不容明主所不赦者也臣等奉祖宗三尺法以  
事皇上豈敢欺天罔人以傷聖天子平明之治乎卷查萬  
歷十二年三月內潞王請換張家灣土橋沒官店房八所  
去偽齋集

卷二

奏疏

三

並斛斗註斛二行經紀牙稅商販食鹽糧米於店房堆放  
徵收租銀以資養贍奉聖旨准王奏著換給與戶部知道  
萬歷十二年四月內潞府暫借成國公今優給朱鼎臣錦  
衣衛帶俸指揮錢世瓏原開鹽店二所每年各與賃銀六  
十兩萬歷十七年潞王之國奏還八店於朝廷租銀納官  
還二店於兩家聽其管業兩家仍開鹽店至今八年矣御  
馬監左監丞張□但知二店爲潞府所借而不知爲兩家  
之民店故以侵利參劾皇上亦不知爲兩家之民店故以  
阻撓拏問錦衣衛奉旨打問亦不開借賃緣由但坐兩家

八年所得租銀七千二百兩等因奉聖旨各犯著送刑部擬罪欽此該主事洪其道承行審出前情亦知虧枉但見李吉等爲被逮之人懼從輕有不測之罪既欲將七千二百兩盡數追官又欲問李吉劉愛民把持遣戍臣等極言其不可面語之曰錢朱兩家鹽店乃民店非官店也潞府當年價賃乃私借非奏借也潞府後來歸還乃明給非賄畱也且潞府奏討八店招商圍鹽未嘗奏禁民間不許圍鹽也今天下鹽商不止數萬家天下鹽店不止數萬處若兩家招住鹽商爲有罪則天下鹽店皆可罪乎天下鹽商去僞齋集

卷二 奏疏

不知幾百萬矣賴此營生得不爲亂乃有把持行市之段希堯張朴專利肥家害民病國借納千金之聲勢獨斷萬戶之咽喉設使奸民效尤都作此事則貧民無賴皆起亂心此榮惑聖主之奸動搖邦本之賊臣等以爲當重而洪其道乃欲從輕所謂堂司意見各殊者大略如此臣等忝列大臣之後報主心殷憂國念切宗社隱憂可爲痛哭流涕者不知有幾尙未敢爲皇上一一直陳敢徇司官以開天下之釁乎謹因其道所奏事情詳具始末不勝惶悚待罪之至

去僞齋集

卷二 奏疏

五

復寧武道疏

爲分馬政一兵權以重邊圉事行據山西布政司署印糧屯道右參政楊歸儒按察使郝維喬會呈寧武一路居三關之中北隣虜寇最稱要地嘉靖三十八年添設兵備一員專理邊務其行太僕寺原駐代州至隆慶六年將兵備道裁革至今關防一顆尙存卻將太僕寺移駐寧武兼攝該道事務向來事體窒礙難行委屬不妥矧今邊方多事整飭爲急與其裁兵備使行太僕寺兼之不若裁行太僕寺使各兵備分之馬政旣飭兵務又嚴極爲省便等因案



照臣惟封疆之吏武備爲先經武之術馬政爲要國家設險三關陳師萬旅又設行太僕寺命卿一員使兼憲職專督馬政誠重之矣乃今官餘於事少法廢於權輕有不得不一更張者臣據該司所呈會同總督宣大山西軍務太子少保兵部尙書兼都察院左副都御史蕭大亨巡按山西監察御史喬璧星議照國初邊操馬匹有關換有調免有備用有銀價有孳牧有寄養類多起倭於北省解驗於京師發行太僕寺印給邊軍當是時三關領馬如此之多也發銀發馬於京師如此之重也印給查驗如此之煩也

去僞齋集

卷二

奏疏

七

行太僕寺卿不謂冗員自本折之給廢而椿棚之例行非多置買不敢陳乞而大率馬出於軍矣倒死者稽其年限買補者驗其齒材喂養者查其肥瘠皆由本管營司解驗所在兵巡印給舊職掌所不廢者止有山西通省孳牧騾馬九十二匹每歲課駒四十六匹行太僕寺幾無事矣後因虜數入邊馬健爲亟用言者議乃通勅行太僕衙門點驗馬匹務使臆壯以故軍士之馬旣就近驗烙於兵巡矣又赴該寺驗烙來往關山遠者千餘里而軍士多奔走之勤旣就近點臆於兵巡矣該寺又差主簿歲再巡行不肖

者多問罪贖而軍士增科罰之苦行太僕寺似多事矣夫  
停減舊日之科條僅餘孳養之一事以存三品之寺卿又  
有主簿吏員之俸給無乃侈乎若謂點查印烙不可無人  
臣以爲多一衙門則增一馬病彼豈能以兩次之點歲令  
常肥千里之遙稽核無弊乎且宣大之馬數倍山西舊有  
屯牧道查驗又有行太僕寺丞印烙此兩官者久已裁革  
而兩鎮馬政責之兵巡至今軍士騎操不聞廢缺奚獨山  
西一鎮獨多行太僕寺爲也至於兼攝兵備何官也是一  
路之監軍也驕橫不馴兵備得以彈壓虐削軍士兵備得  
去僞齊集

卷二

奏疏

七

以禁約戎政廢弛兵備得以振刷調度防守兵備得以商  
籌錢糧侵冒兵備得以稽核是握操縱之權而酌常變之  
勢者也乃行太僕以不京不外之銜行若難若畏之法郡  
縣待之以似屬不屬之禮故令常不行禁常不止是本寺  
之權若以兼兵備而重而兵備之體則以繫本寺而輕寧  
武一關不爲不要矣兵備以兼名已非專設銜列於行儀  
近於無官况戶婚土田諸訟於是乎質成強盜人命重情  
於是乎定獄權輕責重法廢政弛如之何其可也先都御  
史楊綵以三關綿亙九百八十餘里寧武所分纔一百三

十里耳事約而官冗故裁兵備而以行太僕兼之誠爲節省臣等以爲三關兵馬數本相當而策應兩關中路爲要先御史楊美益議添兵備尤見遠圖臣等查照宣大兩鎮事例欲將行太僕寺衙門一體裁革專設兵備一員所遣馬政原自不多在三關者以三兵備道兼之在腹裏者以三兵巡道兼之所在孳生買補馬匹各於所在兵巡印給驗其臆息查其倒死是以一太僕之事而六兵備分之馬少而易核一也道近而軍便二也事在咫尺諸弊難滋三也一有緩急六路召買簡而易集四也兵備權重而馬政去僞齋集

卷二

奏疏

六

益嚴五也臣故曰行太僕不可以不裁而兵備不可以不復也夫三關重寄陛下旣以付臣成敗安危臣實肩之沿革損益臣實慎之儻可因襲故常何敢紛更多事伏乞勅下該部再加酌議如果臣等所言不謬亟選才望素優兵備一員俾理積弛政務所有原設太僕寺卿免其陞補主簿聽其改選吏典停其再撥將人情之趨向改觀而吏治之得失迴別矣

停止砂鍋潞紬疏

題爲民困已極加派爲難懇乞聖明調停織造以固邦本

事臣聞慎乃儉德者英君諡辟之芳名監於成憲者聖子神孫之大孝自二祖創業垂統以來經制立法纖悉具備宮闈用度歲額常豐其在當時織造燒造各有地方歲解歲停各有正件載在會典可考而知已查得陶器燒造地方止有儀真瓜州河南真定江西五處其器物止有瓶罈瓷甕等件竝無所謂山西砂器者卷查嘉靖三十九年坐派潞安府砂器五千個四十年坐派一萬五千個萬曆十八年坐派一萬五千個夫砂器一萬五千竝備餘共一萬九千五百個價值纔一百一十餘兩耳始也荆筐擔運用去偽齋集

卷二 奏疏

九

夫二百餘名共費銀五百三兩一錢至嘉靖四十年部文用紅櫃裹封銅鎖鑰黃繩杠費銀二百餘兩用夫一千三百名費銀一千八百餘兩打點使用費銀二百五十餘兩共用銀二千三百六十七兩九錢至萬曆十八年部文用淨綿塞墊潞安不出綿花旋於河南差買費銀近二百兩打點使用三百五十餘兩共用銀二千八百三十三兩六錢夫至賤者砂器也而運載諸費至費銀二十八倍不知此等器物近京地方亦能燒造否如謂土料不堪不知京師百萬官民亦用砂器否皇上之所用者砂器耳砂器但

收其不破損者耳何取於紅箱銅鎖淨綿致使無益之費  
勞民傷財况砂器不載於經額山西不派之燒造苟使於  
近取而可足似不必遠辦以病民又查得織造地方有浙  
江等九省織造物料有紗羅絹紵而山西歲派止有綾絹  
各五百疋閏月共加八十六疋耳竝無所謂山西潞紬者  
卷查萬歷三年坐派山西黃紬二千八百四十疋用銀一  
萬九千三百三十四兩十年坐派黃紬四千七百三十疋  
用銀二萬四千六百七十餘兩十五年坐派黃紬二千四  
百三十疋用銀一萬二千餘兩十八年坐派黃紬五千疋  
用銀二萬八千六十兩夫潞州之有紬也非一年矣祖宗  
時未嘗坐派陛下卽位以來坐派四次計工費銀八萬三  
千有奇矣是紬也士庶皆得爲衣而皇上不以進御臣心  
亦有所不安者獨謂上用內用未必如此之多而匪頒特  
頒自有經常之物且山西錢糧非王祿則軍餉王祿如靈  
邱等王有缺五十季不支者宗儀賄賄興枵腹之嗟軍餉  
有每月四錢尙扣五分者士卒嗷嗷動瞋目之怒加以連  
年饑饉庫藏空虛搜括則七郡銜銖無遺加派則萬姓膏  
脂盡竭臣於去年紬價已經殫力湊處僅充此番織造矣

伏乞勅下該部從長議處砂器在在可燒應否取辦於二  
千里隔山踰嶺之外卽萬不可已但求砂器全美又何必  
銅鎖紅箱淨綿塞墊困擾生民黃納雖非歲織但山西困  
億已極儻再行坐派或改江南別項織造之價或工部另  
議別項錢糧發給潞安無使貧省難於取辦小民困於誅  
求臣再惟人君之喜好無窮天下之財力有限九重以內  
者陛下之身家九門以外者陛下之赤子未有赤子困窮  
而陛下能享安富者連歲以來饑饉未蘇干戈四起閭閻  
小民春有兩食冬有完袴者幾人山谷之中惡少成羣不  
去偽齋集

卷二 奏疏

三

爲乞丐則爲盜賊陛下謂今日之天下治乎亂乎民富乎  
貧乎世亂民貧社稷安乎危乎社稷不安陛下樂乎憂乎  
海內光景凄慘蕭條民無樂生之心皆懷喜亂之念誰敢  
爲陛下告者夫竭百姓之脂膏充一人之府庫譬之腹心  
瘡滿四肢乾枯扁鵲見之未有不驚者惟陛下畱神社稷  
幸甚地方幸甚

救內犯陳忠等疏

爲擬刑失當致誤聖明懇恩改正以一法守事臣惟操生  
殺者天子之權定生殺者祖宗之法當生不敢議殺當殺

不敢議生者法司之職伏覩大明律一書高皇帝酌累代舊章集羣臣公議稿更數次法垂萬年不惟刑曹憲吏所宜欽遵亦天子神孫所當恪守者也邇者臣衙門持法不堅承旨遷就致傷皇上好生之心有愧人臣官守之責臣不明白聲說皇上必以爲情眞罪當而不知其妄引深求皆臣等失職之罪也臣請據實檢舉惟聖明垂聽焉萬歷十年十二月內馮保被諭抄沒家產入官皇上未嘗以盜內府財物坐馮保斬罪者非寬之也想馮保財物盜自內府必未有指實故耳萬歷二十二年六月內誠意伯劉世去偽齋集

卷二

奏疏

三

延許奏客用被逮到京追出金鑲珠寶繚環一柄查共重一錢一分者珍珠二顆緣客用曾管東御庫而珠寶係乘輿服御之物故臣等坐以盜內府財物眞犯斬罪客用亦不敢稱冤者情罪相當故耳惟是陳忠何忠劉忠李忠楊舟劉定周海王銘或借貸馮保財物隱匿不還或轉遞馮保箱籠不行舉首情誠可恨法自難容加斬重懲誠不爲過及查得大明律內凡抄沒入官家產若隱瞞財物者坐贓論罪止杖一百本部吳龍依律上請皇上卽惡其人不至加入於死乃因奉有從重擬罪之旨遂用盜內府財物

雜犯引例之條夫馮保家產既不謂之內府財物而隱匿馮保家產者可謂盜內府財物乎當時止謂寧從過重可霽天威而不知引律一差遂至皇上將陳忠等八人皆坐斬罪設使各犯果於某月某日盜某庫某物見證有人捉獲有據隨即擬眞犯猶不甚冤如無指實則八人者以杖罪坐斬皇上得無惕然不忍於心邪萬歷二十二年九月十四日閻忠劉保奉旨捉拏楊桂夫役陳富史環跟隨同往時當夜半擊戶越牆尤澤聞聲慌忙走脫致楊桂驚疑自縊而死此錦衣衛嚴審初詞似無徇縱及奉嚴旨切責去偽齋集

卷二 奏疏

三

遂增杜昇楊桂密談王正抄旨密報情由本部又謂楊桂係雜犯斬罪擬王正等追捕漏泄徒罪近奉聖旨王正杜昇閻忠劉保都加等擬絞陳富等著烟瘴永遠充軍職等奉旨遵行聞竊伏思之懷罪之人驚惶常過親密之命捕捉宜嚴當倉皇促迫時惟恐其少緩而逃不意其過急而死此昏愚疏略者之常態也皇上一時震怒疑其漏泄錦衣衛不敢從實逼認漏泄遂致王正等四人加入絞罪當時臣等果能確執眞情皇上何讎於小豎何樂於殺人顧乃含糊觀望成其可恨之情皇上安得不加以可死之罪



乎至於陳富尤澤史環止是跟隨使令徐愷原係當珠客  
商漏泄之事毫無相干烟瘴充軍法尤過當伏乞皇上下  
開天地之慈將陳忠等王正等均赦死罪尤澤等均示杖  
懲仍乞勅下三法司錦衣衛衙門要見祖宗定刑原有成  
法皇上批問原無成心以後凡奉詔獄務審眞正口詞不  
得增減務遵大明律例不許依違雖詔旨一時過嚴而法  
曹委曲開說皇上天地仁慈豈忍輕成大辟如此庶朝廷  
有持正奉法之吏聖世無含冤抱屈之人矣先是原任刑  
部尙書趙煥深悔用律失當致誤聖明正檢舉間臥病未  
去偽齋集

卷二 奏疏

五

果而臣新奉王正等加等之旨故備詳始末冀回天於萬  
一極知冒瀆罪無所辭不任隕越戰慄之至

火災自陳疏

爲奉職無狀乞賜罷歸以塞天變事臣惟緣情定罪者天  
下之平理枉伸冤者刑曹之職臣自萬歷二十二年九月  
伏蒙聖恩擢爲刑部侍郎在職將近兩年署印曾經四月  
無論笞杖徒流類多舛法卽永成大辟率未合情如隱瞞  
入官家產律止於杖也臣奉旨將內犯陳忠等擬軍致誤  
皇上將陳忠何忠劉忠李忠楊舟劉定周海王銘皆坐以

斬知情藏匿罪人緣罪減等也臣奉從重之旨擬內犯王  
正等以徒致誤皇上將王正杜昇閻忠劉保皆坐以絞使  
臣當時執奏安知不可回天乃至今隱忍不敢言楊桂之  
事陳富史環尤澤徐愷審無泄漏情由罪應材釋皇上皆  
坐以烟瘴永戍遼東之敗遼陽參議馮時泰原非征調官  
員罪應降贖皇上改坐以烟瘴永戍湖州之獄烏程縣知  
縣張應望受贓未有指證法當勘明皇上徑坐以烟瘴永  
戍使臣當時執奏安知不可回天乃至今隱忍不敢言高  
皇帝之定律也藁凡七易當重者自不從輕刑部之擬罪  
去偽齋集

卷二

奏疏

五

也法欲堅持寧死諫不宜阿奉而臣以不切不果之念退  
縮因循致令無罪輕罪之人吞聲飲泣有臣如此官守謂  
何臣聞三年大旱由匹婦之含冤六月飛霜因一夫之抱  
屈今刑部獄中含冤抱屈者不止一人也不平隱憤上徹  
雲霄鬱結窮愁散爲灾祲臣上之不能爲張釋之之執以  
悟聖心次之不能爲蚺鼉之去以明己志回祿燭炤孽自  
臣躬伏望皇上將臣罷斥責令刑曹以後詔獄一切奉法  
不得阿意奉承以損聖德以戾天和臣卽跼伏草莽所甘  
心矣臣無任悚息待命之至

給假葬妻疏

爲懇乞天恩俯賜照例送子還鄉事臣聞臣子奉公雖不恤身家之計聖王逮下每悉其委曲之情臣有衷私鬱鬱久矣不得不鳴於君父之前萬歷二十年臣巡撫山西臣妻安人于氏在任病故惟時臣男孤幼臣病濕痰具疏乞休未蒙俞旨次年四月臣陞都察院左僉都御史延至八月始得離任山西河南接壤謂可便道回家葬臣妻於祖塋託幼子於同室臣心無內顧一意服官不意是年左副都御史劉東星候代未任左都御史李世達養病還家一

去僞齋集

卷二 奏疏

美

時堂官俱缺署印無人臣遂星夜前來未及襄事四年孤柩一宅蕭然夜夜爲獨來獨往之魂歲歲爲不生不化之骨奠獻旣已無託火燭更屬可虞臣幼子在攜念母成病存亡兩地悽惻傷心臣惟夫婦列於五倫分誼不薄臣妻聘於六禮元配當隆臣戀戀耽車馬之榮臣之妻子子抱室廬之恨薄倫若此皇上又安用之查得妻無歸葬之文而子有送還之例蓋人臣不言歿託其事於存聖主憫其妻因推恩於子例許給假暫令還鄉臣之事情實與例合伏乞勅下吏部照例查覆是皇上推屋烏之愛於一時臣

敢忘犬馬之心於異日哉謹具奏聞伏候勅旨

告病初疏

爲痰火侵尋職業荒廢懇乞天恩放歸田里以保餘生事  
臣以庸謏生無寸長荷皇上覆載弘慈拔置九列自謂勉  
策駑蹇可效涓埃乃數以業奇災緣福過忽於八月十五  
日痰火暴作頭目昏暈見物狀若旋轉不停聞人聲而嘔  
吐不止纔一動作輒欲傾敝但飲茶湯便成痞滿醫經數  
易藥罔奏功私第已不聊生公衙豈能辦事伏望皇上閱  
其難痊之病及其可歸之時賜臣以去是賜臣以生也臣  
去爲齋集

卷二 奏疏

三

旣知有生之樂敢忘皇上再生之恩乎謹具奏聞伏候勅  
旨

告病再疏

爲病勢日深官常久廢懇乞天恩俯賜回籍以便調理事  
臣向以痰火暴作於本月初二日上疏乞歸未荷明旨迄  
今又半月餘矣緣臣氣體虛弱痰症纏綿苦不能支欲速  
取效以爲恃補養未必獲愈非吐下無以收功旣用控涎  
以決痞悶復投承氣以破癥瘕腸胃兩傷飲食俱廢雖視  
息尙在而形體日羸臣惟扶病非在公之身委質無自便

之義豈不欲勉竭心力仰答生成而病在膏肓遂成疔痼醫束手而無策臣傷心以自憐儻不早歸舊疆必致顛危客邸有此迫切敢再瀆陳伏望皇上閱其無已之情遂其生還之願臣卽犬馬寧忘感恩圖報之心哉謹具奏聞伏候勅旨

告病第五疏

爲痰暈陡發不能供職懇乞天恩俯賜罷免以保餘生事臣賦質孱弱生多痰病前年大作亦曾累疏乞歸未蒙賜允臣罷勉供職又踰年餘甚欲竭駑駘之力逐騏驥之羣去偽齋集

卷二 奏疏

天

以報皇上不意痼疾根深每發益重偶於本月初十日早起出門忽然目眩頭旋顛仆在地咽喉梗塞神思昏迷吐痰升許過午方蘇至今手足頑麻飲食頓廢竊念刑曹爲法紀之司貳卿非閒散之職如臣病體豈宜曠官伏望皇上將臣罷斥歸田使得專意調攝儻苟延歲月緩就蓋惟是皇上所以哀臣而賜之生也伏在牀褥遙望闕廷不任懇祈之至

辯明心迹疏

爲迹涉隱微事當究竟懇乞聖明鑒照以白臣心以息物

議事臣自予告以來杜門不與外事忽於二月十五日傳聞吏科給事中戴士衡因論吏部郎中白所知謂臣假託閨範圖說包藏禍心夫假託大奸也包藏禍心大罪也臣安敢無辭先是萬歷十八年臣爲按察使時刻閨範四冊明女教也後來翻刻漸多流布漸廣臣安敢逆知其傳之所必至哉不意戚里鄭承恩復刻閨範圖說一部惟時士衡口語臣亦有聞卽欲辯明難以先發今士衡爲臣發端臣之幸也臣請爲皇上陳之士衡謂承恩之刻閨範也由臣以進意在逢迎臣實有此書承恩實有此刻士衡之疑去偽齋集

卷二

奏疏

无

果進不由臣承恩雖刻臣書臣何與焉且臣之閨範引漢事皆本之漢書采唐人一宗之唐史一人無所牽合一事無所附會在朝諸臣在市諸書皆可檢對有何成心况臣刻於六年之前承恩刻於六年之後豈能預必事可公諸天下心可質諸鬼神士衡雖疑臣心臣何恤焉夫宗社遠猷國本大計臣一念忠赤不敢後於諸臣天日所鑒臣昔巡撫山西復命之時曾有一疏羽翼皇儲大學士王錫爵爲臣危之欲令再更通政使呂鳴珂爲臣言之始得封進賴皇上乾坤弘度止於畱中士衡試一檢閱儻亦諒臣心去偽齋集

卷二 奏疏

三

非禍心而不爲同志者辱乎胡可橫加以不道之惡名也伏乞皇上洞察緣因閨範圖說之刻果否由臣假託仍乞勅下九卿科道將臣所刻閨範與承恩所刻閨範圖說一檢查看有無包藏禍心并查圖說新增節婦十七人臣曾否與聞果否作贊但有一字干涉臣願甘顯戮以爲鑽刺無恥者之戒緣係云云奉聖旨這事情不必瀆辯該部院知道

辯憂危竝議疏

爲語出無端事干重大懇乞聖明嚴審確實以消隱禍事

本年三月內臣因戴士衡參臣假託閨範圖說包藏禍心  
具本奏辯奉聖旨這事情不必瀆辯該部院知道欽此又  
於七月初傳有憂危竝議一書臣讀罷歎曰此士衡所謂  
包藏禍心者乎使臣有此事卽是爲禍謀豈但禍心使臣  
無此事卽包藏禍心者不在臣矣請指其書一一爲皇上  
陳之明德馬后漢明帝之元配也漢法册后不自民間先  
選良家子以充後庭如八子七子夫人貴人姪娥容華之  
類值册立時則選眾所推服者一人爲后馬明德册自貴  
人漢書所載也自有漢書以來凡女訓諸書莫不錄其爲  
去僞齋集

卷二

奏疏

三

人莫不具其發跡閨範刻於山西豈期流傳大內當是時  
旣無所迎合而增其所無又何所回避而削其所有乎錄  
馬明德便謂迎合如閨範所錄楚樊姬徐賢妃之直諫班  
婕妤之辭輦衛宗二順以有子之妾而尊嫡奈何又不以  
爲規勸邪凡比照者引見行事例擬切近事情遠年停止  
者卽本朝亦不得比擬明德與時事一一比照果否相同  
乃引千餘年不同之漢例爲奉承乎愚不至此矣鄭承恩  
之刻閨範也其序見存皇上徧發諸臣字字查閱是否係  
臣所作今直以此序爲呂序又摘序中語一一罪臣昭昭



者猶然幽暗中何事不得說邪五十寶鑑四疋彩幣豈懷袖可藏發自禁廷入於臣宅公然出九重之門行四達之衢晝邪夜邪十目所視視者誰邪事不奏聞皇上宮中誰敢私遣中官聽誰私遣臣卽受之應否報名謝恩受而不謝使臣何以復命造言者不習於國體矣金龍命書事關祕密臣封進邪託人進邪若明白封進皇上必知若託人密進誰敢私傳且陰謀之人蹤跡隱伏豈肯張皇豈得漏洩今稱內廷盛觀必是眾所共知此何事也而疏若此乎造言者不練於人情矣古之上書者或伏闕慟哭或叩階

去偽齋集

卷二

奏疏

三

流血史冊所載不止一人楚材一夷臣耳每奏事惻怛言與淚俱太宗見其來而謂曰爾又爲百姓哭邪臣上疏之日格天懇至伏地不覺失聲事誠有之閨範圍說之刻明進非臣密進非臣讒口付之神明臣心可質天日何憂敗露難容而號泣朝門欲蓋彌彰乎臣上癸巳一疏言皇長子當立條列十款不啻千言自謂詳切不異諸臣臣卽再言更何所說憂危疏中不及豈意有所專而語有所忌邪惟是微賤之情生有心之疑竇含糊之事養無窮之禍胎朱東吉與或人止兩人耳刻書者必知懇乞皇上勅下廠

衛嚴緝兩人下三法司嚴刑鞫審要見寶鏹彩幣十目所  
視視者何人金龍命書內廷盛觀觀者何人務令明白聲  
說臣遠在二千里外豈得預爲彌縫豈能盡人囑託儻有  
一人證臣一事有據臣願甘斧鉞之誅以爲亂賊之戒緣  
係云云奉聖旨這奏辯事情朕前已洞悉奸誣有旨處分  
了該部知道

萬歷庚寅余爲山西觀察使觀列女傳去其可懲擇其  
可法者作閨範一書爲類三十一得人百十七令女中  
儀讀之日二事不得其解輒掩卷臥一日命畫工圖其

去偽齋集

卷二 奏疏

三

像意態情形宛然逼真女見像而問其事因事而解其  
辭日讀數十事不倦也且一一能道又爲人解說不數  
月而成誦余乃刻之署中其傳漸廣旣而有嘉興板蘇  
州板南京板徽州板縉紳相贈寄書商輒四鬻而此書  
遂爲閨門至寶矣初不意書之見重於世至此也旣而  
內臣購諸市以進上覽而悅之賜皇貴妃貴妃刻諸家  
黃緣者附以順天節烈婦十七人而此書遂不可傳矣  
何也予傳各有類而此十七人皆節烈余傳皆昔賢而  
此十七人多萬歷時人且多貴勢家又每系以呂氏贊

曰四字尤爲僞妄有識自能辯之自此刻出而讎我者  
得以造其讒不識我者莫不駭其事而三二達者則坦  
然無疑矣噫使諸君子以虛平之心觀天下之事則一  
言可決有何駭異今民間婦女一旦筐中有三五本書  
夫必駭異問之曰此書何處得來何人所與則將何詞  
以對儻涉可疑方且藏匿之不暇况大內何等深嚴聖  
主聰明天縱寧有闈範入宮而不一問者乎皇貴妃又  
不掩匿而敢公然刻之又敘其所從來曰得之呂氏坤  
者乎時值余上憂危疏而造言讎口遂刻憂危竝議一

去僞齋集

卷二 奏疏

三

書流布京師而戴學科始有包藏禍心之疏矣鄭承恩  
懼乃以竝議進奉聖旨這闈範圖說是朕賜與皇貴妃  
所看朕因見其書中大畧與女鑑一書辭旨彷彿以備  
朝夕覽閱戴士衡等這厮每以私恨之讎結黨造書妄  
指宮禁干撓大典惑世誣人此事朕已洞知不必深辯  
又吏部都察院接出聖諭曉諭官員人等知悉樊玉衡  
戴士衡假以建言報復私讎妄指宮禁干撓典禮惑世  
誣人捏造書詞惑人好生可惡本當拏問嚴究重治姑  
著革了職發煙瘴地方永遠充軍遇赦不宥該部院知

道又內閣接出聖諭覽再揭奏具見恭謹詳慎之意聞  
範一書乃朕賜與宮中朝夕覽閱因其書理與女鑑相  
符使以爲勸勉之規云云且樊玉衡假以建言要名沽  
譽原本亦不必發示及戴士衡等但此二畜結黨造言  
干撓大典妄指宮禁惑世誣人上千天和中傷善類若  
不重處何以警戒將來已有旨了特此諭知時被誣諸  
人皆有辯疏各得明旨此聞範之始末也夫天下刻聞  
範天下無詞何獨內刻便造許多妖言向非皇上明白  
聲說此事何以自明當時若大根究必有皦生光之禍

去偽齋集

卷二 奏疏

五

皇天后土九廟神靈當必照鑒造誣之人戴掌科雖非  
知己必不昧心彼造誣者已遭陰譴酷烈矣

表箋附 代大同巡撫

擬上嘉禮成賀表

伏以大君合德陰陽嘉會叶三占之吉元后作民父母好  
速開萬化之原慶溢彤庭春生紫塞恭惟皇帝陛下乘乾  
體健出震當陽念神明統緒之傳係社稷生靈之重迺遵  
慈命載卜淑媛俛天妹於洽陽嬪帝虞於媯汭德稱窈窕  
實諧寤寐之求體順明章聿贊穆清之治鳳彩龍軒物色

上承宗廟內承兩宮關雝麟趾儀刑始於家邦終於四海  
臣備鎮三雲遙瞻二曜九邊今安堵喜無怨曠之民六合  
在春臺快覩清寧之世伏願和氣致祥仙源流慶雞鳴三  
告倣一人惕厲之懷益斯白男衍萬世靈長之祚臣無任  
喜躍祝願之至

仁聖賀箋

伏以配天立四極深培宗本之基續女統六宮茂衍靈承  
之緒紺席有託洪福無疆恭惟仁聖皇太后陛下黃裳正  
位紫籙凝圖穆木啟玉樹之祥本支百世瓊花薦瑤宮之  
去偽齋集

卷二 表箋附

瑞允祚萬年臣委身北鄙翹首東朝忻逢交泰之昌期慶  
祝慈寧之遐福伏願雲屏月宇平康迎六五之禧玉葉金  
枝嘉樂延千億之福

慈聖賀箋

伏以瑤華生夢郊祿呈瑞於猗蘭寶月流輝闈秀協占於  
紫玉九閨色喜重閣懽呼恭惟慈聖皇太后陛下柔順安  
貞塞淵溫惠二佳來五日愬十六年夙夜之心四德匹一  
人衍千萬世雲祚之脈臣職典封疆神遊宮闈率三軍而  
致語瞻六駝以騰懽伏願壽考無疆延月姊星娥之歷思

齊有詠成文王太姒之賢

皇后賀箋

伏以麗日同明表中極於六御承天作則端內範於九圍  
金屋含春玉關生色恭惟皇后殿下貞淑幽閒端莊靜一  
掖庭黃幄鳳翔早儷於龍飛慶都元雲螭綬新求於燕婉  
保萬年家室永垂宮闈之芳衍十葉宮祧喜奉神靈之統  
臣遠持旌節遙聽徽音隨九奏以賡歌望七華而拜舞伏  
願小星流魚貫之澤初月興蠶織之思則宵衣益勵夫精  
勤而福履永綏乎樂只

去偽齋集

卷二 表箋附

兩宮徽號成賀表

三

伏以至聖盡倫禮必先於顯德惟皇建極孝莫大乎尊親  
垂萬年奕赫之光盡一代推崇之典慶均百辟喜浹三陲  
恭惟皇帝陛下運撫日中孝先天下成王宥密念姜母之  
劬勞夏啟敬承感塗山之愛育爰求盛典載舉徽稱謂仁  
聖皇太后懿美天成元德協安貞之吉慈聖皇太后宣明  
電徹黃裳妙通理之文再上鴻名益光鳳紀女中堯舜尊  
榮並及於兩宮虞後英皇盛美匹休於百世臣遠持節鉞  
俯聽絲綸喜逢蘭殿恩光敢擬麥邱頌祝伏願因心廣孝

尙齒推恩則人各親其親班白息肩於道路民亦樂其樂  
黔黎鼓腹於康衢

仁聖賀箋

伏以玉冊揚輝坤德重光於燕石金章炫彩渙綸三布於  
龍沙喜溢中宮恩流外闔恭惟仁聖皇太后陛下虞嫺讓  
美任姒媿隆濟端慎以慈和外協干官之輿論含溫柔於  
靜一內孚九御之懽情昔推本其洪恩實爲仁聖今形容  
其至德莫若懿安聖母徽稱再加始備尊親大典一代獨  
隆臣稽首遐荒率三軍而拜舞馳神長樂切萬里之瞻依  
去偽齋集

卷二 表箋附

美

伏願德共福而無疆紫刻集十靈之錄壽與名而俱久彩  
輿迎萬歲之春

慈聖賀箋

伏以香雲浮鶴禁東朝舉墀陛之儀花露挹鸞輿北面下  
袞旒之拜光生垣掖春滿邊庭恭惟慈聖皇太后陛下大  
順承天含章麗日彌成英誼華胥實贊於軒圖誕育聖明  
文母有光於周道茲虔郊廟之祝載協宮府之心謂慈聖  
祇足明恩非宣文無以顯德圭笏再集闡聖母之通明寶  
冊重輝煥慈皇之藻麗臣仰承末照竊位遐陬喜迎到海

之龍章載歌鳴岐之鳳德伏願養聖躬以安天下九圍常  
寧肅大內以化域中百祥永祐

去偽齋集

卷一  
表箋附

完

去偽齋集卷二畢



